



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 44 DE SU 08/03/2023

OGETU: VARIATZIONI DE APRETU (ART. 175, C. 4, DE SU D.LGS. N. 267/2000) A SU BILÀNTZIU FINANZIÀRIU DE PREVISIONI 2022/2024 IN ESERCÌTZIU PROVISÒRIU - ADEGUAMENTU ISCRITZIONI IN BILÀNTZIU FUNDUS PNRR, IN DÈROGA A S' ART. 163 TUEL (ART. 15, COMA 4- BIS, D.L. N. 77/2021).

S' annu 2023, su 08 de su mesi de Martzu a ora de is 12.45, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katiuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
No
Eja
Eja
Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Biu su Statutu comunali in vigèntzia;

Biu su Regulamentu comunali de Contabilidadi;

Postu chi cun deliberatzioni de Consillu comunali n. 66 de su 05/08/2022, esecutiva cunforma a sa lei, ant aprovau su Documentu Ùnicu de Programatzioni (D.U.P.) po is tres annus 2022/2024;

Bida sa deliberatzioni de su Consillu comunali n. 67 de su 05/08/2022, esecutiva cunforma a sa lei, chi at aprovau su Bilàntziu de Previsioni 2022/2024;

Bida sa deliberatzioni de su Consillu comunali n. 63 de su 05/08/2022, esecutiva cunforma a sa lei, cun ogetu: "APROVATZIONI DE SU RENDICONTU DE SA GESTIONI PO S'ESERCÌTZIU 2021 CUNFORMA A S'ART. 227, D.LGS. N. 267/2000.";

Bida sa deliberatzioni de su Consillu comunali n. 68 de su 05/08/2022, esecutiva cunforma a sa lei, cun ogetu: "VERÌFICA ECHILÌBRIU DE BILÀNTZIU – AVERIGUAMENTU ATUATZIONI PROGRAMAS SÈTIU GENERALI DE SU BILÀNTZIU (ART.175 C.8, ART.193, ART.147 TER D.LGS.VO 267/2000)";

Donau atu chi sa Giunta comunali cun deliberatzioni n. 151 de su 09/08/2022, esecutiva cunforma a sa lei, at aprovau su Pianu Esecutivu de Gestioni (P.E.G.) po is tres annus 2022/2024;

Biu su D.M. de su 13/12/2022 publicau in sa G.U. n. 295 de su 19-12-2022 chi autorizat s' esercìtziu provisòriu e trantzit a su 31/03/2023 sa scadèntzia po sa deliberatzioni de su bilàntziu de previsioni 2023/2025 de is entis localis;

Biu su coma 775 de s'art. 1 de sa L. 29 de idas 2022, n. 197 (Lei de bilàntziu 2023) chi previdit ca su tèrmini po s'aprovatzioni de su bilàntziu de previsioni po su 2023 siat trantzit a su 30 de abrilu 2023";

Bida sa Deliberatzioni de Giunta Comunali n. 7 de su 25/01/2023 cun ogetu s'aprovatzioni de su pianu esecutivu de gestioni provisòriu ex art. 169 TUEL;

Cunsiderau s'art. 15, c. 4, D.L. n. 77/2021 cun sa "Governance de su Pianu natzionali de ripresa e resilièntzia e primas mesuras de afortiamentu de is struturas amministrativas e po smenguai is protzeduras", chi disponit ca is entis localis podint averiguai is intradas chi ndi benint de su tramudu de is resursas de su PNRR e de su PNC;

Cunsiderau chi s'art. 15, c. 4-bis, D.L. n. 77/2021 previdit ca: "Is entis localis in esercìtziu provisòriu o gestioni provisòria funt autorizaus, po is annus de su 2021 a su 2026, a assentai in su bilàntziu is finantziamentus de derivatzioni statali e europea po investmentus po mèdiu de una variatzioni, in dèroga a su chi previdit s' artìculu 163 de su testu ùnicu de is leis asuba de s'ordinamentu de is

entis localis, cunforma a su decretu legislativu 18 de austu 2000, n. 267, e de s'allegau 4/2 paris cun su decretu legislativu 23 de làmpadas 2011, n. 118."

Bida sa respusta de su MEF (FAQ n. 48): "De su 2021 a su 2026, is entis localis podint mudai su bilàntziu finas in s'interis de s'esercìtziu provisòriu o de sa gestioni provisòria po assentai in su bilàntziu is finantziamentus de derivatzioni statali e europea po investmentus (art. 15, c. 4-bis DL n. 77 de su 2021)";

Bida sa rechesta presentada de su Responsàbili de su servìtziu 1 Traballus pùblicos - Ing. E. Concas, de innui ndi bessit a pillu su bisòngiu de insertai variatzionis a s'esercìtziu provisòriu;

Ca tocat a insertai mudaduras a su bilàntziu de previsionis 2022/2024, Annualidadi 2023- 2024;

Biu su documentu in allegau cun s'elencu de is variatzionis de cumpetèntzia e de càscia de insertai in su bilàntziu de previsionis finantziàriu 2022/2024 – Esercìtzius 2023 e 2024;

Cunsiderau ca abarrant firmus is echilìbrius de bilàntziu;

Biu su parri cunforma a sa regularidadi tècnica segundu s'art. 49, c. 1, de su D.Lgs. n. 267/2000;

Biu su parri de regularidadi contàbili segundu s'art. 49, c. 1, de su D.Lgs. n. 267/2000;

Cun votatzioni a totòmini cunforma a sa lei,

DELÌBERAT

De insertai in su bilàntziu de previsionis finantziàriu 2022/2024 in esercìtziu provisòriu is variatzionis de cumpetèntzia e de càscia, cunforma a s'art. 175, c. 1-3, d.Lgs. n. 267/2000;

De donai atu ca abarrant firmus is echilìbrius de bilàntziu;

De presentai custu provedimentu a su Consillu Comunali po sa ratìfica, in cabu de 60 diis e ànturu de su 31 de su mesi de idas de s'annu, cunforma a s' art. 175, c. 4, d.Lgs. n. 267/2000;

DELÌBERAT

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
